



DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO MEDICO-CHIRURGICA

QUODLIBETARIIS DISPUTATIONIBUS,
manè discutienda in Scholis Medicorum, die Jovis, primâ
Martii, M. DCC. XLII.

M. ANTONIO NICOLAO GUENAUT,
Doctore Medico, Præside.

de, vulneratâ crurali arteriâ, ab amputatione auspicandum.

I.



VIDENTIOR Therapeutices pars, Chirurgia. Meditando leges curandi ponit,
& scientia amat dici: manu famulatur, & artis nomine insigniri solet. Non
primis hominum temporibus fuit excolta. Bellum, matribus detestatum, et
accelerat lethi gradum, heu nimis præcipitem, primum cepit excoli: truci-
dandique fratris peritus frater prius fuit, quàm servandi. Est qui hostium gla-
dios à civium capitis avertat: est qui mortem, simul cum telis vibratis, &
saucis corporibus extrahat: utri deferenda palma sit, ab antiquâ ne quaeritis
Româ, quæ Victoriz omnigenas, Chirurgiæ nullas nexuit coronas. Oculatioribus posteros ad se
rapuit tandem perfecta artis necessitas, nec tam clarissimorum virorum cultu nobilitatam, in-
ventis ornatam, ipsa Heroum ingenia fastidierunt. In bellorum cunis vagiti, cum bellis adole-
vit. Dum pax, dum aurea vigeat fides, in tumorum, luxationum, leviorum morborum cura-
tione Chirurgia tota versabatur. Verùm ex quo ruptum est concordiz vinculum, ex quo ferum è
terre penetrabilibus erutum, in tela, gladios, explodendisque globos excusum est, insolentium
vulnerum cohors terps incubuit. Corporis Humani structura partium offensarum indagazione
luculentius explorata est, & ex læsionum varietate multiplices inventæ sunt ac perfecte curatrici
manus operationes. Earum nulla prudenti magis indiget cunctatione, quàm quæ membri alicuius
resectionem molitur. Nec planè damnetur veteris Medicinæ cæcitas, quæ ultione torquere
partem maluit, ut servaretur, quàm tractare mihiis, derepentè abscindendo. Recentioribus

A

felicius innouere partium omnium connexiones & consensus : cur his tutandis minus consulerent ? Cur scindere membrum præcipites , quod benigniori possunt operâ servare ?

I.

CORPUS Humanum, machina hydraulico-pneumatica, constat ex implexu tubulorum, figurâ, diametro, texturâ dissimilium, humoribus, spiritibusque quoque versum meabilibus, sensus, motus, vitæ auctoribus turgidorum. Ex innumeris ipsi tubuli coalescent fibris cavis, flexilibus, peculiari tono donatis, ac resiliere habilibus. Hæ simul coeuntes, non tantum canales longotractu diffociatos formant, sed modò expansâ tenuium propaginum divaricatione, retis, vel telæ speciem induunt; modò plurimis orbibus simul convolutæ, glandulas effingunt. Ex minimis canaliculis cartilagine, musculi, membranæ, vasa, internicula, glandulæ, pro situ, texturâ, figurâ atque inter se cohesione aptantur. Inter ista organa alia vêtium, alia cunæorum, trochlearum & elaterum vices obeunt; alia ponderis, alia potuitæ officio defunguntur. Scrutare nunc artus suprâ & infrâ corpori aptatos, cavitates, visceraque in his laritancia, sede, magnitudine, officio discrepantia. In hæc artificiosâ machinâ consensus unus, conspiratio una. Pronum est hujus partis in illam vitium: unâ læsâ, singulis periculum imminet. Aliterut fau-cietur cordis sinus, cerebrum, non secus ac corporis recessus omnes, vitalis laticis orbarur appul-su & deficient spiritus, sistuntur motus, fugit anima. Partium aliarum, et si fovendæ vitæ minis necessariam, conditionem ne spernar Chirurgus. Ad corporis ornatum artus ita sunt à naturâ comparati, ut, obruncato uno, elegans symmetriæ concinnitas detrimentum irreparabile pa-tiatur. Quis non movendus lapis, ut præcaveatur deformitas, corpori debilitatem, mæorem animo haud dubiè illatura? Age verò, quàm periculi plenum opus amputatio! Saepè crur, brachiumve impunè resectum est, ignorare non licet quod Magistra clamat experientia. Non indè tutum putes ædificatioria fieri. Suumpars quæque corpori præstat munus, suum persolvit quæque vitæ promptuario vestigal. Ubi ramum sustuleris, utili defraudatum officio truncum esse judi-cabis. Exciso femore, non minor in cerebro spirituum copia secretur, non parcius fiet *aliquoties* spirituum in ablata partem excurrantium quò vertetur impetus? In eandem evibra-tus, quò se recipiet sanguis? Angustioris impatiens orbitæ, tumultuabitur uterque liquor: hinc metue vasorum insolito sub pondere fatiscientium obstructions, resolutiones, rupturas; hinc febres, apoplexias, mortem ipsam omineris. Hæc perpende sedulus, è dextrâ tibi ad abscindend-um pronior culter excidet, leviorique auxilii genere tentabis animam retinere fugientem. Extremo premente malo, extremam feres opem, amputando.

II.

ARTERIA vas conicum, pulsans, elasticum, multiplicium ramorum parens, sanguinem à corde ad omnes corporis Mæandros deferit. Ab ampliori diametro in angustiorum pergit: versùs extrema, ipsius ramuli canalis cylindrici formam induunt, in plexus reticulares mutan-tur, tandem in venas, vasa lymphatica, aut ductus excretorios desinunt. Quadruplici mem-branâ constat arteria; prima vasculosa dicitur, ob innumera eam perreptantia vasa, quæ nutri-tionem velunt succum; secunda glandulosa, à glandulis quibus interspergitur; tertia musculosa, à fibris annularibus, undè robur & vis resiliendi, aliam cellulosam addit Ruyschius. Positâ hæc ar-teriz structurâ, patet arteriam sedem anevrismatis esse. Hinc nascitur anevrisma in omnibus corporis partibus, five internis, in brachio, femore, circa pectus, in cerebri membranis. Con-cludas arteriarum morbum frequentissimum esse anevrisma; duæ si quidem universum corpus, salutant arteriæ, pulmonalis arteria, & aorta, ex quibus cæteræ, tanquam rami à trunco, oriuntur. Ex ascendenti, brachialis arteria ad flexuram cubiti plerumque indivisâ descendit, ramulos brachio impertiens: in *radicem ac cubitæ* dividitur, quæ per manum ac digitos propa-gantur. A descendente, cruralis arteria in externam minorem, per anteriorem femoris par-tem, & internam majorem abit, undè *popliteæ, furales, tibiales*, & quæ per extremum pedem, appellationibus destitutæ, descendunt. Anevrismatis vocabulo tumorem sanguineum, ab arte-riâ, vel dilatatâ, vel abscisâ factum intelligimus. Duplex statuitur species. Aliud verum & ge-nuinum dicitur, aliud spurium. Utrumque vel ab interiori causâ fit, vel ab externâ. Primum ex debiliori, rariori arteriarum texturâ, vel exterioris tunicæ rosione, rupturâ, vasis obstructione, ictu, aut casu originem ducit. Unde fit, ut interior perenni sanguinis appulsu sensim laxata & dilatata, in ingentem tumorem demùm succrescat. Altera species spurium anevrisma dicitur, à sanguine veluti concreto, quæ ex arteriâ scissâ, vel erôsâ subter cutem effusus, membranaceam, carnosamve substantiam emittitur. Hic tumor multiplici discrimine, à priore sejungitur. Ille rotundiorve magis eminet; hic planior magis diffunditur: in illo cutis nativum servat colorem, in hoc alienum induit, lividum puta: in illo deprehenditur pulsatio valdè manifestâ, in hoc obscura, vel nulla. Observes hæc pulsatione fortiori, vel debiliiori anevrisma ab aliis tumoribus, & præcipuè à tumoribus varicosis ipsi affinis distingui. In arteriis minimis anevrismatis cura-tio faciliè cedit, in majoribus, hoc opus, hic labor videtur. Multos etenim à rectâ salubrique cu-

3

fandi ratione deterret incerti eventus obscuritas, timidaeque praesentio futurorum. Pars aliqua notae vilioris aegrorum, confidenter adhibetur medela, prosperosque ducit ad exitus. Nobilior organum consimili deinceps tentatur affectu, suspensus haeret Medicus, eandem respuat curandi viam; remedium, quantumvis non infeliciter tentatum, partis praestantia videtur detrectare. Interrito nullus videtur animo sanguinem è caësis arteriis profluentem. Spuneum dicebrestorrentem, nullis cohibendum aggeribus, moleisque oppositis gurgite rapientem. Vulneratæ crurali arteriæ, crumpit vitæ fons, brevi exhauriendus, purpuræque tandem vomiturus animam. Aegrum, altantes, Chirurgum unus omnes quatit horror: ac veluti deflagantis adificii vicina tecta, cæu incendiî nutrimenta, præcidentur, sic microcosmi partem, ne ruat ipse funditis, rescandant esse clamant. His non obsequuntur clamoribus, nisi qui tritam imperitioris Chirurgiæ calcant viam, nihilque consilii ab ingenio suo extorquere usquam poterunt. Prodeant peccitiores Magistri, crudelis operis apparatus disiecturi, manumque præbituri leniorem. Prodeant quibus tot vias ad salutem sternere datum est, quot patent aditus ad mortem. Hi quippe penetrabilia corporis assidue perscrutandæ, competerunt occultas esse complures vias, quibus ex integro quasi ab Orci faucibus proripit se natura. Nonne per sua singuli diversoria procedant rami multiplices, quorum intellectu commercio, vas unicum corpus merito dixeris? Indè noveris providam summi artificis sagacitatem, quæ cautum est, ut vitæ arbitror liquet exactius distribueretur, provinciaeque obtruncati, vel obliterati vasis, à vicino coeunte gereretur. Nonne aegro ad extrema redacto vitam felici ausu restitutum constat, nec aliâ ratione perfici Chirurgiam potuisse? In spurio arteriæ cruralis aneurysmate, sanguinis cum impetu exundantis cohibendus esse effluxus. Fies voti compos. Aperti canalis extremum adstricto comprime vinculo, erumpenti sanguini præcludetur exitus, simulque cum toto corpore superflues pars utilis remanebit. Neque anputandi rationem artificum recentiorum indultriâ perpolitam jactites, ut ab eâ non ita videatur abhorrendum: quantumvis simplici ad secundum indigeas apparatu, minus terroris incutietur aegrotanti, non minus lugenda calamitas.

I V.

Æ G R O, ut par est, commodè collocato, superiori femoris parti laqueum injicies, torculo vehementer constringendum, quo sanguinis erupcio pro arbitrio moderetur, cæ cautione, ut solus comprimitur arteriæ truncus, vas autem lateralia, interpositis hinc inde dextrè elevatis spleniolis, à compressione protegantur, ut et subditâ laqueo cathacæa laminâ impediatur quominus curis cum dolore corrugetur. Si carnibus infictum vulnus non satis pateat, ut scicâ sui copiam faciat arteria, supra & infra, scalpello perita manus incidat, vasis aliis, nervisque insignioribus parcitura, donec injiciendæ ligaturæ locus veniat in conspectum. Hoc satis nudato, acum incurvam curato filo, vel taniolâ instructam subter traxice, cavendo ne simul nervus devinciatur, sed non nihil è subjectâ carne comprehendendo, ut firmior ligatura constet. Tum, intersecto spleniolo, visculum ita constringe, ut sanguini appellenti deturbari necis obex opponatur. Altero filo pari ratione traducto infra vulnus arteriam subligabis, ne concurrentium vaporum resuente sanguine, hæmorrhagia recrudescat. Observabis non nisi inflexis genu & femore, opus aggrediendum, quo facilius disrumpi & elastici vasis labia coeant. Ubi demum sanguini viam omnino præclusam esse comperies, quod torculo laxato explorabis, linamento multiplici, splenis gradatim super additis, idoneaque fasciatione operi coronidem ac firmamentum impones. Vulnere sanato, fascia gestanda est, & non nisi post annum solvenda, id que non subito, sed primò paulò lenius vinciendum, deindè laxius & tandem planè aufertur; quamvis eam per totum vitæ curriculum gestare præter. Quis te postea anget metus? An terribit te præcisum iter vitali succo, cujus benigno affluxu carere diù subjectæ partes non possunt, quin lethali puredine corripiantur. Si quando Chirurgus, vel incaute, vel impetritæ defixo in brachii arteriam phlebotomo, sanguinem cernat subtilim truncum, coccineo colore in citrinum vergente, an salutis unica spes in humeri amputatione? Apage truculentam illam suspitionem inopiam. Postquam sanguis ad *axillæ viciis* usque profuxit, vel imposito densioris texturæ spleniolo, sive chartæ masticatæ glomere, peculiaris fasciationis ope firmato, vel injectâ ligaturâ cohibetur. Id operis feliciter cedere constat, neque indè corporis vitam, sive brachii incolumitatem admodum periclitari crebra docuerunt experimenta. Vulneratam cruralem arteriam, similis Chirurgiâ in gravius discrimen adduci tenuit mens sana cogitare.

V.

E S T O: brachiali ramo opitulentur ligatura & compressio. An idcirco cæteris arteriis eandem opem ferent? Arcetur hæc infida & male sana curandi methodus? Curationem potius caustico aggrediaris. Sed causticum, utpote providentiâ destitutum, tam nervo, aut tendini, quam abluendæ parti labem inuret. Minus formidanda ligatura. At iniquas, arteriæ tori distribuendo dicantur, & ad extremas usque partis arteriolas nutritrium rivulum deferunt. Si ligentur arteriæ, aut comprimantur, nonne pars infra ligaturam, succo, quo jugiter à trunco avolantium parti-

4
eularum jactura refarciri solebat, defraudabitur brevi peritura? Quàm dispar à trunco ramus? Ipse deficiente, provinciam gerit ipse truncus, aut alii rami. Cesa verò arteriâ, ad Pluronias aedes detrudis ægrotantem, si audax nimium ligaturam tentes. An non peritior Chirurgia parti vulneratæ torculum illicò admovebit? Crudelis sanè medela, sed has inter angustias, partem refecare præstat, ne lates corpori sincero inuratur. Non me tua tamen dicta terrent. Experièntia constat, anevrismatis brachii curationem ligatâ arteriâ cedere, ipse licet brachialis truncus phlebotomo pungatur. Eccc in crurali arteriâ ligaturam adhibere piaculum fore? Cuique arterie famulantur vasa lateralâ, quorum usus idem ac trunci. Quid obstat quominus hæc lateralâ vasa obtruncati canalî vices adimpleant? Eccc paulatim à tergo premente sanguine dilatata ita non ampliarentur, ut truncorum nomen & conditionem mererentur? Ab illo vasorum connubio anevrismatis curationem ducas. Si ex. g. læsus arteriæ brachialis ramus *cubitus* devincitur, vicino *radice* sanguis excipitur, huc illuc in subiectas partes *inasculationum* ope discursurus, toti postmodum brachio, sensim ampliatis tenuium tubulorum utriusque rami communium furculis, caloris fomitem, nutritiosque rivos abundè largiturus. Nisi fortè arguerit quispiam arteriæ fauciatæ ligaturam infelicitè cedere, quoties supra duorum ramorum *cubitæ* & *radiæ* & brachiali trunco proceduntium originem vulnus infictum est. Verùm quàm te inanis ludit timor! Norant docti ac periti, ramos quosdam ex superiori parte arteriæ brachialis versus ossis humeri condylos descendere, ubique plures hinc inde furculos emittere. Norunt ab arteria *cubitali*, ut à *radiali*, ramulos sursum reflecti versus eisdem condylos, ibique furculos spargere, furculis descendentibus arteriæ brachialis, per exiles, maximè pervias ac sæpius demonstratas *anastomosis*, unitos, Rivulorum tenelli confluentium rubuli ne fasciarum pressu strangulenter aptâ spleniorum intercapedine gnarus faciliè præavec. Quod porro præstat munus in artubus superioribus ista corrivatio, idem in inferioribus adimplebit arteriæ cruralis ramulorum descendentium & utriusque arteriæ *tibialis* furculorum recurrentium, sive ascendentium communio circa popliteum & juxta genu, non ita pridem ab oculatissimo & Anatomicorum fidissimo D. D. Winflow demonstrata. Utrobique scilicet eandem ferè vasorum structuram, pares divisiones, non diversas conjugationes spectabis, cur absumiles edentur effectus? Neque quicquam intetelt, inquit Cellus, an satis turum fit remedium, quod unicum est. Obfirmato stes igitur animo, ubi cruralcem arteriam ligaveris. Si frigus indomitem gangrænam potentat, non erit indè quòd te conatus poeniteat, omnia quippe ad amputationis opus prompta vides. Sed immortale manet te decus, si quod reliquum est curationis, natura idoneis adjuvata prædiis exequatur. Hæc repetas ab accuratâ victûs ratione, à venesectione, pro ætate, viribusque celebrandâ. Calidis quoque & spirituosus inunctionibus partem foveas, quæ amicum conciliant calorem, usque dum sanguis novas sibi cundo vias expeditur, nativum vitæ fomitem redditurus.

Non ergo, vulneratâ crurali arteriâ, ab amputatione auspicandum.

DOMINI DOCTORES DISPUTATURI.

M. Raymundus de la Rivière.

M. Antonius - Nicolaus Gue-
nault.

M. Joannes Claudius Adrianus
Helvetius, Regi à sanctori-
bus Consiliis, Regineque Me-
dicus Primarius, & è Regiæ
Scientiarum Academiâ.

M. Franciscus - Josephus Ha-
nault, Regiæ Scientiarum
Academia, & Regiæ Socie-
tatis Londinensis Socius, in
Horto Regio Anatomæ &
Chirurgiæ Professor ac De-
monstrator.

M. Paulus Jacobus Malouin.

M. Jacobus Benignus Winflow,
Regiæ Scientiarum Acade-
miæ Societatisque Regiæ Be-
rolinensis Socius, reutonica
linguæ Regius interpret.

M. Petrus le Hoc, Consiliarius
Medicus Regis ordinarius in
ejus Castellæ, & utriusque
Pharmacæ Professor desig-
natus.

M. Joannes-Baptista Boyer,
Regis consiliarius, & in Se-
natu Parisiensi Medicus Or-
dinarius.

M. Antonius Pepin, Regis Con-
siliarius & in Portu Brestensi
Medicus Primarius.

Proponebat Parisiis URBANUS DE VANDENESSE, Parisinus,
Baccalaureus Medicus, A. R. S. H. 1742. à sextâ ad meridiem.

Typis QUILLAV, Universitatis & Facultatis Medicinæ Typographi.